



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-11-4-5100
Sarajevo,

04-10-2023

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo, br. 1/16, 26/19, 31/19 i 39/20), čl. 18. stav (1), 14. st. (1) i (5) i 25. Zakona o javnim nabavkama („Službeni glasnik Bosne i Hercegovine”, br. 39/14 i 59/22), a na osnovu Odluke Vlade Kantona Sarajevo, broj: 02-04-48024-25/22 od 01.12.2022. godine, ministar unutrašnjih poslova Kantona Sarajevo, d o n o s i

ODLUKU

I

Određuje se pokretanje postupka javne nabavke višenamjenskog helikoptera sa pratećom opremom, putem otvorenog postupka sa međunarodnom objavom.

II

Procijenjena vrijednost nabavke iznosi do 30.341.880,34 KM bez PDV-a.

III

Novčana sredstva za plaćanje nabavke su djelimično osigurana u Budžetu Kantona Sarajevo za 2022./2023. godinu („Službene novine Kantona Sarajevo” broj: 5/22 i 15/23), razdjel 17, glava 01, ekonomski kod 821300 HAX001, a Vlada Kantona Sarajevo se donošenjem Odluke broj: 02-04-48024-25/22, od 01.12.2022. godine, obavezala da će u periodu 2023.-2024. godine obezbjediti dio nedostajućih sredstava za predmetnu nabavku.

IV

Projekat predmetne nabavke „Nabavka višenamjenskog helikoptera i uspostave helikopterske jedinice” je uvršten u Program javnih investicija za period 2023.-2025. godine.

V

Za realizaciju navedenog projekta, prema gore navedenoj Odluci, zaduženo je Ministarstvo unutrašnjih poslova i Ministarstvo finansija Kantona Sarajevo, svako iz svoje nadležnosti. Nabavka je predviđena Izmjenama i dopunama Plana nabavki Ministarstva unutrašnjih poslova Kantona Sarajevo za 2023. godinu, broj: 01-11-4-1180-5 od 03.10.2023. godine.

VI

Za provođenje postupka nabavke iz člana I ove Odluke zadužuje se Komisija za provođenje postupka javne nabavke helikoptera, imenovana Rješenjem broj: 05-1-30-1-3436 od 05.07.2023. godine.

VII

Odluka stupa na snagu danom donošenja.

Obrazloženje

Tačkom I Odluke Vlade Kantona Sarajevo, broj: 02-04-48024-25/22 od 01.12.2022. godine, Ministarstvu unutrašnjih poslova Kantona Sarajevo data je saglasnost na donošenje odluke o pokretanju postupka nabavke višenamjenskog helikoptera.

U 2022. godini je proveden postupak nabavke i to kao otvoreni postupak sa međunarodnom objavom ali je poništen jer niti jedna prispjela ponuda nije ispunjavala kvalifikacijske uslove, odnosno niti jedna ponuda nije bila formalno-pravno ispravna.

U 2023. godini je izvršeno ponovno istraživanje tržišta i konstatovano je da je došlo do promjene procjenjene vrijednosti za nabavku višenamjenskog helikoptera prvenstveno zbog globalnog ekonomskog poremećaja na tržištu, prije svega uzrokovanog ratnim zbivanjima u Ukrajini, a što se enormno odrazilo na vrijednost predmetne nabavke.

S tim u vezi izmjenjen je Elaborat o provođenju aktivnosti koje treba realizovati radi uspostave Helikopterske jedinice Ministarstva unutrašnjih poslova Kantona Sarajevo na koji je Odlukom broj: 02-04-40937-14/23 od 21.09.2023. godine, Vlada Kantona Sarajevo, dala saglasnost.

Naime, ukupna vrijednost projekta prema Elaboratu je ostala nepromjenjena, odnosno iznosi 39.700.000,00 KM, od čega za nabavku višenamjenskog helikoptera sa pratećom opremom otpada 35.500.000,00 KM, umjesto dosadašnjih 32.500.000,00 KM, pri čemu se dio sredstava predviđen za hangar preusmjerava na nabavku helikoptera sa dodatnom opremom.

Projekat predmetne nabavke „Nabavka višenamjenskog helikoptera i uspostave Helikopterske jedinice" je uvršten u Program javnih investicija za period 2023.-2025. godine.

Za Vladu Kantona Sarajevo predmetna nabavka predstavlja prioritetan projekat, odnosno strateški važan projekat za Kanton Sarajevo i društvenu zajednicu u cjelini i Vlada Kantona Sarajevo se Odlukom broj: 02-04-48024-25/22 od 01.12.2022. godine obavezala da će osigurati nedostajući iznos finansijskih sredstava za realizaciju projekta nabavke višenamjenskog helikoptera i uspostave Helikopterske jedinice Ministarstva unutrašnjih poslova, a za realizaciju je zaduženo Ministarstvo unutrašnjih poslova i Ministarstvo finansija Kantona Sarajevo.

Imajući u vidu naprijed riješeno je kao u dispozitivu.



Dostaviti:

1. Komisiji,
2. Upravi podrške,
3. Kabinet ministra, stručni savjetnik za odnose s javnošću
4. a/a.